



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

**Odluka**  
**o opredjeljenju Grada Sarajeva za pristupanje Projektu obnove**  
**Olimpijske bob staze na Trebeviću**  
**(Prijedlog)**

**Predlagač:** Gradonačelnica

**Obradivač:** Služba za urbano planiranje,  
investicijske, stambene i komunalne poslove

---

**Sarajevo, januar 2022. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i Plana upravljanja zaštićenim pejzažem „Trebević“ (2017.-2027. godina) („Službene novine Kantona Sarajevo“, broj 23/17), Gradsko vijeće Grada Sarajeva, na \_\_. sjednici, održanoj \_\_.01.2022. godine, donijelo je:

**(Prijedlog)**

**Odluku  
o opredjeljenju Grada Sarajeva za pristupanje Projektu obnove  
Olimpijske bob staze na Trebeviću**

**Član 1.**

(Predmet odluke)

Grad Sarajevo izražava opredjeljenje da pristupi i učestvuje u Projektu obnove Olimpijske bob staze na Trebeviću, a u saradnji sa drugim nadležnim subjektima i tijelima vlasti.

**Član 2.**

(Saglasnost)

Gradonačelnici Grada Sarajeva i Pravobranilaštvu Grada Sarajevo daje se saglasnost da, u okviru svojih nadležnosti, a prema ukazanoj potrebi, preduzimaju sve potrebne pravne, organizacijske, tehničke, administrativne i finansijske radnje i aktivnosti koje mogu dovesti do uspješne realizacije projekta iz člana 1.

**Član 3.**

(Informisanje)

Gradonačelnica će periodično informisati Gradsko vijeće Grada Sarajeva o realizaciji Projekta obnove Olimpijske bob staze na Trebeviću.

**Član 4.**

(Finasiranje)

- (1) Grad Sarajevo je, u okviru Budžeta za 2022. godinu, planirao adekvatna namjenska sredstva za realizaciju ovog Projekta.
- (2) Grad Sarajevo će tražiti mogućnost iznalaženja dodatnih sredstava u saradnji sa drugim nivoima vlasti, domaćim i međunarodnim subjektima.

**Član 5.**

(Stupanje na snagu i početak primjene)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALJUĆI GRADSKOG VIJEĆA**

**Jasmin Ademović**

Broj:

Datum:

## OBRAZLOŽENJE

### PRAVNI OSNOV

Pravni osnov za donošenje ove Odluke sadržan je u članu 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je definisano da Gradsko vijeće donosi odluke, druge propise i opće akte i daje njihovo tumačenje.

Drugi pravni osnov je Plan upravljanja zaštićenim pejzažem „Trebević“ (2017.-2027. godina) („Službene novine Kantona Sarajevo“, broj 23/17), koji je dokument urađen prema odredbama propisanim u: Zakonu o zaštiti prirode FBiH, („Službene novine Federacije BiH“, broj 66/13), Pravilniku o sadržaju i načinu izrade Plana upravljanja zaštićenim područjima („Službene novine Federacije BiH“, broj 65/06), Zakona o proglašenju ZP „Trebević“ („Službene novine Kantona Sarajevo“, broj 15/14), Privremenih upravljačkih smjernica za ZP „Trebević“, te drugih relevantnih zakonskih dokumenata na prostoru BiH, FBiH i KS. Pored domaće legislative, Plan upravljanja je rađen i prema pravilima Međunarodne unije za konzervaciju prirode (International Union for Nature Conservation – IUCN). Plan upravljanja ZP Trebević, na prijedlog resornog Ministarstva prostornog uređenja, građenja i zaštite okoliša, donosi Vlada Kantona Sarajevo na period od 10 godina, odnosno za period 2017.-2027. godina.

### II RAZLOZI ZA DONOŠENJE

Gradonačelnica je u svojim planovima rada predložila obnovu Olimpijske bob staze na Trebeviću. Trebević, kao olimpijska planina, treba da ima sadržaje koji su bili u funkciji za vrijeme olimpijade u Sarajevu 1984. godine.

Bob staza predstavlja atrakciju i ima potencijal da obogati turističku ponudu grada. Također, obzirom da u svijetu postoji samo 13 licenciranih bob staza, obnova bi otvorila mogućnost pozicioniranja Sarajeva na mapi sportskih gradova koji mogu ugostiti ova specifična sportska takmičenja. Naravno, možda najveći benefit bi bio razvoj zimskog sporta.

Također, postoji mogućnost da se buduća bob staza koristi i u ljetnom periodu za održavanje raznih sportskih ekstremnih takmičenja, koji privlače veliki broj posjetilaca.

Ova Odluka se donosi kako bi se formalizovali planovi i dala mogućnost Gradu Sarajevu da pokrene aktivnosti i učestvuje u obnovi Olimpijske bob staze na Trebeviću.

### III OBRAZLOŽENJE PRAVNIH RJEŠENJA

Članom 1. definiše se predmet Odluke.

Članom 2. daje se saglasnost gradonačelnici i Pravobranilaštvu da po ukazanoj potrebi poduzimaju neophodne aktivnosti.

Članom 3. obavezuje se gradonačelnica da će po potrebi informisati Gradsko vijeće Grada Sarajeva o realizaciji ove Odluke.

Članom 4. definiše se obaveza Grada Sarajeva da planira saradnju sa drugim subjektima i adekvatna namjenska sredstva za realizaciju ovog Projekta, kao i da će Grad Sarajevo tražiti mogućnost iznalaženja dodatnih sredstava u saradnji sa drugim nivoima vlasti, domaćim i međunarodnim subjektima

Članom 5. definisano je stupanje na snagu i početak primjene ove Odluke.

#### **IV POTREBNA FINANSIJSKA SREDSTVA**

Finansijska sredstva za provođenje ove Odluke bit će osigurana u Budžetima Grada Sarajeva u skladu sa stepenom implementacije Projekata.